

欽定剿平三省邪匪方略

欽定剿平三省邪匪方略正編卷二百五十

壬戌年

十一月十九日

丙戌

額勒登保奏言竊

臣

前將各

營卡官兵分撥安設嚴飭防剿卽於初六日由

長嶺二花灘取道向川界進發接據穆克登布

呈報賊匪被剿後由德漢城烟溪瓦石舖向南

狂竄穆克登布帶兵由洪口毛峪鎮取道抄截

初五日巳刻兵抵錦匙坡探悉達勒精阿武隆

阿達斯呼爾岱羅聲早已相繼趕及賊匪在紅
花山接仗因地勢險峻尙未得手穆克登布卽
督兵由麻壩寨取道大鍾山大梁抄截未刻兵
至大鍾山遙見該匪正在搖旗抗拒當卽催兵
急進立斃賊匪四名該匪因前在亮垭子曾經
痛剿認識旗幟立卽向東北分股潰奔達勒精
阿等卽乘勢搶上均有擒斬穆克登布督飭各

路兵勇由李家山下寨子龍家坪偏橋子一帶
悉力跟追沿途計殺賊五十餘名生擒三十餘
名得獲鳥鎗四桿長矛二十件騾馬六頭匹時
已昏暮當卽擊營暫息查探該匪已由金頂寨
會合向九層巖奔竄穆克登布商令達勒精阿
武隆阿由左路抄截防該匪由竹峪關竄陝令
達斯呼爾岱羅聲阜由右路抄赴草壩場顧定

該匪奔竄絲羅壩之路穆克登布帶同浸巴圖
圖俊烈等跟蹤趕剿初六初七日由余家坪土
城子王家坪高觀寺兼程緊躡沿途逃散者甚
多該匪僅剩六七百人穆克登布鼓勵兵勇每
日三更卽起營趕剿初八日卯刻追至鐵燈臺
遙見賊匪已在山頂集衆欲圖抗拒該處山勢
約高十四五里將近山頂數里多係峭壁陡坎

尤極險峻仰攻殊難施力當派侍衛色克通阿
吉勒章阿副將銜閻俊烈遊擊王兆龍分帶馬
步官兵由左右山梁抄至山腰另派守備柯連
仲張占鰲率領兵勇二百名迎面仰攻詎該匪
詭譎異常依恃山險屹立不動俟我兵將至山
頂卽推放木石擲擊兵勇多有被傷幸不甚多
如此數次我兵人人切齒仰攻愈急該匪見我

兵屢下復上有賊目一人執旗率衆百餘人竭力下壓冀圖衝突甫至山腰正遇色克通阿閣俊烈分帶馬步官兵由左右山包抄截而來當卽一齊衝殺鎗擊箭射斃賊四十餘名餘匪不敢退上山頂卽順礮分竄我兵乘勢趕追經兵勇悉數生擒穆克登布督兵搶上山頂賊匪均紛紛敗竄官兵由水洋坪馬鹿坡跟追四五十

里沿途又斃賊匪七十餘名生擒五十二名卽
在官壩拏營暫息探得該匪已向壩竹垵竄去
查點此仗計殺賊一百一十八名生擒一百一
十七名內有逆首景英一名係兵丁曾福鄉勇
楊陞何貴張啟雲擒獲又有三掌櫃蒲添香僞
總兵賴大祥旗手王得周楊中懷共獲刀矛二
百餘件旗六桿是日臣亦師抵平樂穆克登布

將獲犯解送來縣訊據景英供稱年三十一歲
四川儀隴縣人嘉慶四年進黃號齊國典營充
當先鋒管事我們共有一千多人這蒲添香是
蒲添寶兄弟蒲添寶死後來與我們合營這賴
大祥是個總兵連日官兵追得狠緊被殺被拏
還有散了的只剩有六七百人今日齊國典帶
人先走了我同旗手王得周楊中懷督後不想

被官兵拏住等供當將該犯同牙手高應全等
八十六名分別凌遲正法其餘劉玉兆等三十
一名訊係被裹當卽照例給票釋放歸業

臣查

此股竄匪現在餘剩不過四百多人有三路官

兵跟剿無難尅期淨盡

臣

已飛飭穆克登布乘

勝跟追務將齊國典卽日生擒掃蕩餘孽又據
前次派往楚省搜剿之把總顧應全敬朝貴等

帶勇回營稟稱該弁在興房一帶探聞官兵將
戴四殲斃趙鑑生擒崔胡二逆率衆潛逃該弁
等卽由鐵峪河上龍一帶搜捕據難民告知崔
元帥帶領二三十人要奔毛尖山現在石嶺溝
老林藏躲等語該弁等一面知會該處白龍碕
義首貢生徐成章督率寨勇在要隘堵截一面
率勇入林搜捕賊匪分投逃竄各勇四面圍殺

鎗斃賊匪五名滾崖跌斃三名生擒十七名內
有七名經寨首徐成章送交地方官其賊目崔
姓偽總兵郝以信等十名顧應全押送來營

臣

訊據賊目崔姓供稱我名叫崔連樂年三十七
歲湖北棗陽縣人嘉慶元年三月與戴四掌櫃
一同起事我與胡明遠同當元帥在營管事崔
宗和是我的姪兒他並不管事十月間連被官

兵衝殺我姪兒那時有病不知死活胡明遠逃
在那裏我也不知道我帶了一三十人要想找
別股合夥不料被官兵拏住等供當將該犯同
郝以信并張明泰等十名一併正法顧應全所
帶鄉勇分別獎賞訖臣查刻下賊勢楚中經德
楞泰將陳姓辦完後所餘零匪不過三四百人
有各路鎮將帶兵搜剿臣又派永州鎮總兵慶

溥回至湖北帶領本省官兵分投搜捕卽日可
期淨盡德楞泰現在火峰界嶺適中駐紮東顧
楚境西策川疆並派兵勇二千名入川與豐紳
張績官兵在巫大交界搜捕更爲得力川中賊
匪統計不過一千四五百人惟齊國典一股稍
爲兇悍今已痛剿數次所剩四百餘人有穆克
登布達勒精阿武隆阿達斯呼爾岱三路官兵

竭力趕剿無難計日殄除

臣

現在太平西鄉邊

界南可督飭策應川界北可緊顧陝疆卽有剿散零匪數十爲羣紛竄沿邊各鎮將營卡極爲聯絡已嚴飭隨時探剿勒保在東開一帶督兵自南向北逼剿是三面均有大兵將殘匪逼歸開太大寧三縣界聯之處正可聚而殲洗約計一兩旬之間實可歲功再南山餘匪接據地方

官稟報因官兵趕剿紛竄棧西現在零沔境內
之站巴林老林楊遇春已分派兵勇兜顧西北
追剿復帶官兵在沔縣設法以待期於夾擊掃
除所有擒獲逆首景英之兵丁曾福謹與迭次
出力弁兵另單懇加鼓勵

同日勒保奏言

臣

查黃藍線字等號合夥之賊

竄走西鄉所屬刁林溝地方經副都統達勒精

阿武隆阿等分兵追剿該匪亡命狂奔向上白河逃遁適經畧額勒登保派委穆克登布帶領官兵在彼截擊賊匪不敢深入陝境卽折向九宮坪一路奔竄穆克登布緊躡追剿至馮家嶺地方斬獲數十名該匪仍竄通江所屬杜家坪一帶穆克登布追躡入川在楊家寨亮垵子等處連得勝仗擒斬賊匪二百餘名該匪竄走洪

口達勒精阿武隆阿之兵亦隨後趕至兩面兜

擊截住賊竄巴山老林之路先經

臣

飭派達斯

呼爾岱羅聲臯等帶領官兵探剿此股賊匪於

初二日馳抵德漢城正遇達勒精阿武隆阿等

追賊前來彼此合兵一處維時賊匪已竄至瓦

石舖距德漢城八九十里達勒精阿武隆阿達

斯呼爾岱羅聲臯等卽於是夜三更後分起發

兵天明兵抵瓦石鋪賊匪已聞官兵之信移竄
通江老城官兵分路抄道追殺賊匪向山梁遁
逸達斯呼爾岱羅聲皇督率兵勇趕及賊尾殺
斃賊七名生擒八名該匪分作三股一股走胡
家坪一股走金山溝一股走彎栢樹達斯呼爾
岱羅聲皇等派官兵分路追殺各三四十里復
擒獲賊二十三名天晚收集兵勇暫紮查訊活

賊內有偽總兵劉陞及積年老賊九名立行正法其餘被擄難民周亭等二十二名解交通江縣查明遞籍釋放將剿賊情形稟報前來

臣

正

在飭催間又據探報該匪被剿後連夜向岳石舖一帶狂奔達斯呼爾岱羅聲臯與達勒精阿武隆阿分兵兩路抄截初五日探得賊匪向小寨子芝包口一帶竄走官兵緊蹙追剿適穆克

登布帶兵由紅岩抄出三路官兵夾擊該匪現
由太平坎潰竄官兵仍緊躡前進所有打仗情
形及獲賊數目尙未據查明稟報再將桂涵
前在長壽傅和場殲除零匪一起後適據探報
忠州後山一帶有剿散零匪八九十人在彼潛
匿卽移兵往剿行至白石舖探得該匪竄走三
灘場水磨河一帶桂涵與都司周士貴分兵緊

躡直追至忠州所屬之高岡堰兩路兵勇齊至
將賊匪圍住殺斃賊二十餘名生擒七十五名
將活賊稟解來營臣親提查訊內有白號掌櫃
庾秀偽干總楊林據供係白號度向瑤餘黨前
被官兵剿散帶領數十人分路竄逃茲被官兵
搜捕全數擒殺等語當將該二犯並訊出老賊
張士富等四十六名分別正法其餘從難民陳

宣等二十七名遞籍釋放又總兵田朝貴探剿
白馬堯城一帶老林賊匪行抵南埡場探得周
家漕有零賊七八十人又楠木漕有零賊五六
十人俱竄至殷家溝地方合夥田朝貴當卽帶
領兵勇探縱搜剿該匪遁逃鉄厰溝關廟山竹
筍溪等處俱係老林山路崎嶇田朝貴與遊擊
薛陞王忠桂等棄馬步行分路搜捕殺斃賊四

十餘名生擒十六名查訊此起亦係白號剿散
餘匪並無首逆在內田朝貴訊出老賊王占奉
等十二名立行正法難民陳希科等四名卽予
釋放餘匪紛紛四竄或七八名或十餘名俱鑽
林越箐奔逸田朝貴現仍帶兵搜捕臣查此時
川省惟黃藍線字等號一起成股之賊現有三
路官兵剿辦不日卽可掃除其餘零星不成股

之賊田朝貴在開縣一路桂涵在廣安岳池一
路羅思舉陳弼在奉節雲陽一路以次排搜無
難逐一殲淨刻下叅贊德楞泰督兵由巫山至
大寧搜捕沿邊零賊川東邊界既有德楞泰督
辦臣正可在東太一帶督催各路官兵速將黃
藍線字等號合夥之賊並零星餘匪迅速辦淨
總期歲內一律蕪功上紓

聖廬均奏入

上命軍機大臣傳諭額勒登保德楞泰勒保曰此次黃藍線字等號餘匪先經穆克登布帶兵追剿擒斬二百數十名復經勒保派令達斯呼爾岱羅聲臯等幫同達勒精阿武隆阿分路趕剿復有斬獲該匪向太平坎一路竄走達勒精阿達斯呼爾岱穆克登布等三路官兵緊躡夾擊續得勝仗據勒

保摺內稱獲賊數目尙未據查明稟報等語朕以
此次殲賊必多正深盼望適據額勒登保奏報趕
剿黃藍線白各號股匪叠獲賊仗生擒逆首景英
賊目蒲添香等并生獲楚省老教賊目崔連樂各
情形覽奏欣慰黃藍等號餘匪經達勒精阿武隆
阿達斯呼爾岱羅聲臯等分投追剿沿途逃竄者
甚多僅存六七百人復經穆克登布趕到合力奮

擊擒斬賊匪共二百三十餘名并將賊首賊目等
生擒所辦實屬可嘉皆由額勒登保調度得宜勲
勞懋著前已封爲一等伯著再加恩晉封爲三等
侯并賞給白玉四喜搬指一個白玉大吉葫蘆牌
一塊黃辮大荷包一對小荷包四個穆克登布剿
辦此股賊匪每日三更卽起營追趕并首先督兵
搶上山頂擒獲多賊實爲奮勇可嘉穆克登布前

在南山剿捕出力曾挑爲乾清門侍衛並賞給雲
騎尉世職茲再加恩著在御前侍衛上行走并於
原有世職上加一等賞給騎都尉世職仍賞給黃
面烏雲豹馬褂一件白玉扳指一個大荷包一對
小荷包二個又發去磁礮翎管十個磁帶鈎十個
磁鼻烟壺十個分賞此次出力員弁其擒獲首逆
景英之兵丁曾福除另賞給藍翎外鄉勇楊陞

何貴張啟雲著額勒登保查明如無頂戴賞給頂
戴如已有頂戴卽著賞給藍翎仍著與兵丁曾福
一體酌賞銀兩又發去一兩重銀牌二百面五錢
重銀牌二百面分賞此次出力兵勇用示獎勵至
川楚陝三省地方遼濶賊匪奔竄已久深林密箐
之中或有一二潛藏旦夕間未必能搜戮無遺額
勒登保德楞泰勒保三人於厥功後亦不能同時

進京仍須酌量搜捕屆期朕自當降旨令其更番
瞻覲也

同日

上諭內閣曰額勒登保奏查明迭次打仗出力員弁
兵勇請加鼓勵額外驍騎校富明阿領催獎賞藍
翎訥岱均著加恩以藍翎侍衛陞用千總李榮棹
孫銑外委李吉昌目兵鍾毓才曾福鄉勇軍功張

思斌李福李洪春均著加恩賞戴藍翎以示鼓勵

同日吳熊光奏言

臣

查楚境賊氛自陳侍學一

股剷除後已無成隊竄擾之賊所餘三五爲羣

殘匪遁匿於興巴房竹一帶老林者率皆晝伏

夜出零星散竄而崔宗和胡明遠等二逆亦尚

在潛逃未獲正應乘此勝機督率兵勇上緊搜

捕淨盡

臣

嚴飭兵勇以現在零匪無多皆係罪

惡滿盈之徒無可姑息總當嚴密搜剿茲據遊擊李東宣姜元祥都司薛忠全稟報該遊擊連日分帶兵勇於房輿一帶老林逐處排搜獲有散藏零匪向含溫等十六名訊係劉學書股內逸出餘匪已逐一正法又於八卦廟林內搜獲王永興一名訊係崔宗和夥匪據稱崔宗和連被官兵追殺原帶二十餘人被兵勇擒殺殆盡

現在只剩三四人往來老林躲藏要想逃竄出
山覓生路至胡明遠一犯前被官兵剿殺後不
知下落等語臣查該遊擊等既獲有崔逆夥賊
則該逆蹤跡想亦不遠業飭該遊擊等分投嚴
搜務獲毋使遠遁又據房縣保康興山各屬稟
報陸續據團練寨勇委員率同團勇等搜獲張
懷信張德才楊六閔陳昌金蔡景祥王道雲王

學顯等十餘犯訊皆崔胡二逆夥黨及青黃兩號餘匪據供曾隨賊殺人抗拒官兵不諱已槩

飭正法

臣

伏查楚省興歸房竹一帶現在據報

零匪實已無多第恐各路鎮將及各寨委員或

有大意鬆勁之處

臣

仍不時嚴飭官兵寨勇深

入險山老林排搜務盡可期卽就廓清奏入

上命軍機大臣傳諭吳熊光曰楚省賊匪經官兵屢

次痛剿之後更無成隊之賊所餘不過零星散匪
自不難迅就肅清吳熊光以此等罪惡貫盈之徒
無可姑息所見甚是惟當盡力搜捕以期剷盡根
株勿任漏網吳熊光係該省總督各鎮將皆可節
制務卽嚴飭伊等上緊排搜併力追剿不可因此
時天氣寒冷賊匪畏避入山稍有鬆勁如果各鎮
將等辦理認真吳熊光卽可據實保奏倘或心存

怠玩稍有遷延卽當嚴叅示儆其在逃崔胡二逆
雖非積惡巨魁究係爲首之犯吳熊光現飭領兵
各員跟蹤搜捕并當飭令地方官一體訪拏無論
何項差役人等有能將該逆等弋獲者卽當酌賞
銀兩其督拏之文武官弁奏請加恩

同日

上諭內閣曰川陝楚三省大功指日告竣軍營帶兵

出力各員均應分別加恩因思從前軍務獲咎之人亦當核其情節量加恩貸原任提督吉蘭泰總兵索費英阿前因防堵不力革職於軍營枷號軍務完竣後發往伊犁嗣經疎枷發遣吉林作爲披甲兵丁原任總兵官信前因帶兵玩懦問擬斬候現在監禁茲歲功已近念伊等頻年帶兵亦曾出力吉蘭泰索費英阿均著加恩釋令回旗作爲披

甲官信情節較重著加恩發往烏魯木齊効力贖
罪至原任總督魁倫之子完顏扎拉芬因伊父獲
罪發往伊犁念其年幼無知伊父軍營貽悞之罪
與伊無涉著加恩釋放回旗充當披甲

二十日丁亥德楞泰奏言竊臣前將楚省官兵分

佈搜捕並臣督兵由巫山入川探剿黃藍線號

股匪各情形於初一日具報後初六日接准豐

紳報稱十月二十七日探報有賊匪三百多人
執打紅藍白旗馬二十餘匹在陝境邊界大小
峪河平頂溪一帶有東竄之勢當派守備葛天
培帶兵前往雞心嶺幫同遊擊晉之連堵截豐
紳於是夜五鼓帶領遊擊鄔海慶等馬步兵丁
四百餘名由廟堽子二郎壩錫杖溪一帶前往
截擊葛天培把總張爾昭帶兵二百名由獅子

坪白巖寨直進晉之連干總繆廷彪帶兵二百
名由五里堖箐林口前往兩路衝殺當斃賊匪
二十三名逆衆紛紛逃竄生擒賊匪七名指認
殺斃僞總兵彭萬一名二十九日早探得該逆
仍折回大小峪河一帶豐紳率兵跟追至大莊
溪因距卡已遠遂令鄔海慶等竭力窮追初二
日至小峪河適有防守陝西鎮坪之副都統格

布舍總兵喜明等派來遊擊璩家驥都司張起
鰲帶領兵勇接剿向元河跟追前去鄔海慶等
仍回川界原卡堵禦此股賊匪訊係王國賢餘
黨旋入太平山內又據副都統富僧德總兵蒲
尙佐稟報探得大寧老山內有零星散匪或十
數人或二三十人日藏夜出摸樁掠食蹤跡無
定初二日在上下田羊耳山分兵搜捕殺賊十

三名生擒李世貴等六名初三日在叢木嶺椒
山地方搜捕殺賊十五名生擒楊士橫等三名
初四日在王道河搜捕殺賊八名生擒馬正富
等十四名初五日在晏家井半山搜捕斃賊十
數名生擒何朝林等五名先後獲犯除附近難
民劉全美等五名照例省釋外其餘一併解送
來營臣訊明均係各股剿散零匪無首逆頭目

在內卽一概正法初十日臣抵涂家壩有臣前

在湖北派往跟剿崔胡賊匪之藍翎把總蘇玉

龍藍翎軍功楊昌太押解獲犯來營稟稱遊擊

李東宣都司龍必達等奉派帶領兵勇跟追崔

胡二逆股匪由房縣之白鬍子巖一帶老林緊

跟追剿至流下水地方殺賊三名生擒王元貴

等六名訊據王元貴等供稱我們同夥只有二

十多人見官兵緊跟害怕得狠崔宗和說要到
武當山出家去昨日胡明元趕來崔宗和就不
見了那胡明元見崔宗和不來也就單身脫逃
不知去向我們躲在老林被拏等語十六日至
長房河探得附近之橫河一帶有零匪七八十
人卽發兵往剿殺賊數名生擒賊匪二十六名

訊係

臣

前在中子洋坪剿散孫劉二逆夥匪探

得尙有四五十人向羊耳山逃遁屯於草房之
內兵勇前往剿殺生擒劉么兒等十九名殺斃
六名所剩餘匪向老林遁逃現有湖北都司麻
光裕並經畧額勒登保派出藍翎把總顧應全
跟追前去其都司龍必達等跟追崔胡二逆由
向家壩相思溝追至長嶺老林斃賊數名生擒
賊匪何三等七名適豐紳派搜零匪之卽海慶

帶兵由菜子壩而來前後夾擊又共殺賊十餘
名生擒徐保兒等十三名現將前後獲賊押解
到營訊明分別辦理

臣

恐崔胡二逆或隻身逃

逸或潛伏密林一面已知會吳熊光飭屬嚴緝

諒難遠颺又據分駐楊溪河之總兵張績並巫

山文武稟報川楚邊界老山內馬塘地方有賊

匪百餘人已派遊擊畢萬年等前往趕剿

臣復

添派副都統銜富登阿副將馬應國何君佐叅
將張應貴等取道通城由老林自北而南向馬
塘截剿又令叅將傅廷佐帶兵由八石坪自南
而北向馬塘兜擊旋據巫山文武稟報又有賊
匪七八十名自東而來竄至龍泉寺一帶張績
同遊擊馬明德等帶兵二百名前往迎剿豐紳
聞報亦已酌帶兵勇向楊溪河而來查邊界山

內零匪

臣

前經分派數路官兵四路搜捕刻下

零匪漸次併合自應令其自東截向西來先清

楚境現接勒保來信內稱唐明萬等餘匪現剩

二百餘人開縣有賊匪兩起一起三百餘人一

起二百餘人至黃藍線字號賊匪只剩千人均

經派兵追剿又叅將桂泗在忠州地方將張廣

餘匪一百餘名辦竣此外如萬縣梁山合州江

北長壽等處零匪均係十餘人或數十人

臣等

酌全川賊勢日漸減少只有黃藍線字號並馬

家營兩起稍多查副都統富僧德總兵蒲尙佐

等現在大寧山內搜捕

臣

擬卽督兵於老林沿

邊一帶取道雲陽開縣進發設山內之賊逸出

西南可以隨時剿辦仍一面偵探黃藍線字號

並馬家營兩起賊蹤期於前後夾擊一鼓集事

至於巴巫大三處邊界臣已面囑豐紳張績嚴

密搜捕臣卽行西進趕緊協剿冀大局迅速戡

定奏入

上命軍機大臣傳諭德楞泰曰此次豐紳富僧德等
搜剿各股零匪均有功獲內惟王國賢餘黨據稱
共有三百餘人經豐紳派令將領兩路進剿殺斃
二十三人生擒七名餘匪俱遁入太平山內此股

賊匪必須上緊辦盡不可任其潛匿現在楚省崔
胡餘匪業已剿散祇剩二十餘人其崔中和胡明
元二犯均隻身逃竄已令吳熊光另派妥員密往
武當山一帶查拏或卽可在彼擒獲此外亦更無
成股賊匪其川境唐明萬等餘匪現剩二百餘人
開縣一帶不知姓名兩起賊匪共五百餘人至
黃藍線字等號賊匪昨據額勒登保勒保奏迭次

剿殺只剩四百餘人是統計川省各股零匪不過
一千餘人德楞泰現在督兵於老林沿邊一帶取
道雲陽由東向西進發務將經過川東地方所有
零星散竄之賊逐一搜捕淨盡然後趕赴川北與
額勒登保勒保等會合搜剿奏歲大功總於迅速
之中力求妥善毋得草率完事爲要

上又命軍機大臣傳諭大熊光曰本日德楞泰奏擊

獲賊犯王元貴等訊據供稱崔胡二逆只有二十
多人見官兵緊追害怕崔宗胡要到武當山出家
胡明元次日趕至崔宗和就不見了胡明元也就
單身脫逃不知去向等語該匪等輾轉奔竄日久
稽誅必當嚴拏務獲此時既據獲犯供稱崔宗和
一犯被官兵追剿緊急勢極窮蹙竟欲逃往武當
山出家希圖潛匿而胡明元亦僅係單身逃竄或

卽與崔逆同在武當山亦未可定著吳熊光卽速
遴派妥員前赴武當山密爲訪查自無難得其蹤
跡將該二犯立時擒獲并可煩兵力但須不動
聲色勿令該犯等聞風遠颺漏網爲要

二十二日巳勒保奏言竊臣前探得黃藍線字

等號賊匪在芝包口小寨子紅岩等處經三路
官兵追剿各有斬獲尚未據報到剿賊情形臣

因一面分路嚴催一面由胡家場羅文壩一路
取道前往策應茲據穆克登布來信知是日達
勒精阿武隆阿等由鸚哥嘴麻啄石一路逼剿
達斯呼爾岱羅聲皋等由紅花山一路跟追穆
克登布聞信卽由鎰匙舖取道抄出夾擊賊匪
聞官兵四集卽搶佔大鍾山梁恃險抗拒該境
山勢陡險官兵由下向上仰攻不甚得手僅殺

賊四五十名生擒賊三十二名達斯呼爾岱等
隊內有把總丁萬祥外委伍天璽被傷均不甚
重其餘兵勇陣亡二名受傷四名時已昏暮穆
克登布等撤兵至芝包口暫紮賊匪乘夜翻山
分竄次日探悉賊匪已向東峪溝九層巖一帶
竄走穆克登布等會同商議必須分兵兜截達
勒精阿武隆阿等官兵向左由竹峪關一路進

發達斯呼爾岱羅聲卓等官兵向右由絲羅壩
一路進發穆克登布帶兵緊躡賊尾前進賊匪
被迫亡命狂奔官兵連日兼程緊追不予以暇
初七日探得該匪竄走高觀寺官兵躡蹤追至
賊已起竄穆克登布卽於是夜二更後發兵黎
明行抵鐵燈臺地方探得賊匪屯紮山頂約有
六七百人察看山勢甚陡恐仰攻又難得手因

派侍衛色克通阿武陵阿副將銜閻俊烈等爲
一路侍衛吉勒章阿色楞泰遊擊王兆龍等爲
一路分紮半山坎上復派守備柯連仲千總張
占鰲孫銑把總楊智昌等帶領趨捷兵勇二百
名直搶山頂以爲誘賊下壓之計穆克登布帶
領將備策應維時柯連仲等搶上山頂賊匪拋
擲石塊抵抗兵勇間有被傷並不怯退下而復

上者四次賊始聚衆下壓色克通阿吉勒章阿等兩路官兵在半山坎上鎗箭齊發斃賊數十名賊復折上山梁官兵隨後追擊賊匪不能抗拒紛紛竄走或乃奔上山梁或向山腰溝內遁走穆克登布一面親自督兵仰攻一面分派都司李廷珍嚴正朝守備何榮等帶兵將溝內竄走之賊六十七名圍住悉數生擒內有偽總兵

賴大祥一名其仰攻之兵乘賊匪敗逃卽緊躡
向上追逼直趕過鐵燈臺山頂賊匪翻上向水
洋坪馬鹿坡一帶竄逃官兵追殺四五十里沿
途復殲斃賊六七十名生擒五十二名並將首
逆景英及蒲添寶之弟蒲添香擒獲計此次打
仗先後共殺賊一百一十八名生擒二百一十
七名奪獲賊旗六面鳥鎗三十一桿刀矛二百

二十七件穆克登布因聞經畧額勒登保已移營至西鄉平樂一帶相距甚近當將首逆景英等解往經畧軍營聽候審辦并將剿賊情形寄信前來臣查此起賊匪連日被官兵叠次追剿賊勢已經披靡此番復經穆克登布一路官兵痛加剿洗殲擒二百餘名計所剩不過四五百人其勢倍形窮蹙至景英一犯卽係楚省向來

所報井姓之賊實係著名首逆茲得臨陣生擒
賊衆定皆膽落此時川境三面俱有官兵陝界
復有額勒登保督兵嚴截並將陝境各防兵移
近川界防堵餘匪諒可卽日掃除又此起賊匪
昨於初五日在芝包口等處剿敗後分出二百
餘人向後河長壩一帶竄走臣已派總兵田朝
貴帶兵往剿賊數無多亦可不日辦淨再奏將

桂涵在長壽墊江一帶往來搜捕零匪茲據稟
稱初三日行抵高灘場探報長壽地方有賊一
百餘人由隣水竄來桂涵卽連夜帶兵前往次
日黎明至曹家壩賊匪不知兵至正在山坡屯
聚桂涵與都司周士貴分兵兩路兜圍刀矛並
舉殺斃賊四十餘名生擒七十名奪獲賊旗五
桿長矛七十三件訊據活賊王國相等供係黃

號龍紹周餘黨當將該犯等解交長壽縣審辦
尚有剿剩餘匪一三十人竄走江北地界桂涵
已移兵搜捕以期淨盡再_臣欽奉

諭旨提督豐紳原在巫山大寧等處帶兵此時賊匪
由楚入川是否由該提督防堵地界竄入伊曾否
帶兵攔截著查明具奏等因_臣伏查大寧邊界原
派達勒精阿武隆阿帶兵防堵嗣因達勒精阿

武隆阿帶兵過楚剿辦蒲添寶股匪趕調豐紳
赴彼接防而豐紳自平定波移師前來程途較遠
將及一月楚匪竄川者已多皆在豐紳未至之
先至豐紳到大寧以後叠次堵截情形臣均隨
時奏報仰邀

聖鑒緣奉

飭查理合據實覆奏奏入

上命軍機大臣傳諭額勒登保德楞泰勒保曰勒保奏官兵兜截黃藍線字等號夥匪及穆克登布等在鐵燈臺地方痛剿賊匪共殲斃一百一十八名生擒一百一十七名並拏獲首逆景英及蒲添寶之弟蒲添香偽總兵賴大祥等所奏剿賊地方及擒斬賊數與前日額勒登保奏報均屬相同已經降旨將額勒登保及穆克登布等分別加恩矣現

在川北之黃藍線字股匪疊經剿殺勢極窮蹙其
餘俱係零星殘匪自無難尅日掃除而川東一帶
昨據德楞泰奏王國賢餘黨共有二百六七十人
遁入太平山內及開縣兩起不知姓名賊匪共五
百餘人統計川東各匪尚有七八百人亟須派撥
官兵分投上緊搜捕至陝省南山餘匪本係額勒
登保在彼剿辦嗣因伊移師赴楚專交惠齡及楊

遇春等搜剿近來伊等奏報每次不過擒斬三五人及一二十人至今尚有三百餘人未經剿盡皆係額勒登保未了之事額勒登保現在川省自不能分身兼顧卽著於鎮將內選派勇幹得力之員帶領勁兵馳往幫同惠齡楊遇春等上緊剿捕以期迅速辦竣同報蒞功

同日惠齡奏言竊

臣

接據探報總兵李應貴楊

芳等所剿張二張三股匪自分水嶺等處剿敗
之後又分作數股四處逃匿總兵楊芳李應貴
分投追搜李應貴探聞天牢地方有零匪二十
餘人藏於林內率同守備張必祿於黑夜趕到
潛蹤入林直前擒捉藍永才等三名餘賊乘夜
逃遁查訊藍永才係張二夥內首領卽行正法
次日追至安溝口又擒獲徐學忠一名該匪等

復折回天牢官兵分投趕截又斃賊匪四名餘
賊十數人翻上金牛坪大梁潛逸又楊芳所派
千總張文魁在光頭山搜殺賊匪二名滾崖跌
斃二人餘匪四散又守備黨聯陞追零匪一股
八十餘人至果老坪地方殲斃八名餘賊紛紛
逃竄又與李應貴楊芳等所追之賊及前次分
股逃竄各匪哨聚一處竟有二百餘人之多適

楊芳率同千總秦繼昌緊追前來與黨聯陞兩
相夾擊立時殲斃賊匪二十餘人生擒四名賊
匪從黃草坪狂奔楊芳等緊躡追剿詎該匪情
急抗拒把總袁銘兵丁王澤普首先撲進手刃
數賊猝被矛傷陣亡適李應貴從金雞河迎剿
前來賊匪見有三路官兵截擊驚慌亂竄兵勇
分投追殺又殲斃多名生擒活賊二十四名餘

賊紛紛逃入西河腦老林該鎮等悉力窮追尙
未將獲賊送到是否有首逆在內俟查訊明確
另行奏

聞至楊芳追剿張逆賊股之時路過白洋溝據該處
民人等報林內有賊匪盤踞楊芳當派軍功張
世富率領兵勇入林搜洗生擒賊目苟文超並
餘賊十四名其餘十數人槩行圍剿淨盡至馬

二零匪經將張超搜至黃花樹老林遇賊十
餘人卽時戮斃一人生擒陳和尚等三名又追
至熊耳寨搜殺賊匪二人生擒袁正富等四名
查訊均係馬二餘黨但不知馬二下落張超又
派兵勇在一堵牆搜獲羅世魁四名訊據供稱
係與馬二一路同逃馬二商量要想逃出山去
怕卡隘盤擊叫我們四人先到雲蓋寺去偷些

布疋他在後面趕來想要假扮賣布客人一同
逃走等語查該逆旣在後面行走想亦相離不

遠

臣

現已飛飭該叅將派委能事弁目帶領眼

目緝拏並飭各卡嚴密稽查諒不致有漏網又

千總吳順在乾溝生擒僞總兵陳永仁並散賊

李再學等二名又通判維昂探有賊匪二十餘

人在母猪溝草房內屯聚率勇於半夜趕至該

處該匪正在熟睡生縛八名又殲斃十五人止
有二三入奪路跑散又於上山坡地方搜殺零
匪三人又在清水岔遇賊匪三十餘人殲斃八
名戮傷一名訊據供稱名張國隆這殺死的賊
內有掌櫃李貴成先鋒黃子珍當令認明李貴
成等首級割取呈驗

臣

思經畧額勒登保營內

新勇自有識認李貴成之人現已將該逆首級

欽定四庫全書
平定回疆方略卷一百一十五
八
派員解往質認如果屬實卽由額勒登保具奏

奏入

上命軍機大臣傳諭惠齡與奎楊遇春日惠齡奏連
日督率官兵搜捕零匪卽有斬獲一摺僅稱楊芳
李應貴等帶兵分投追捕殺賊均屬無幾餘匪仍
復潛匿山內總不能一律搜剿淨盡惠齡係陝甘
總督所有南山餘匪乃一尋交伊接手督辦詎自經

暑離陝以後節次奏報之摺祇稱嚴擒賊匪或二
五人或一二十人任聽零星散匪肆行逃竄該督
毫無佈置仍係伊從前在軍營有滑伎倆實屬有
負委任惠齡著拔去花翎降爲二品頂戴暫留陝
甘總督之任以觀後效該督接奉此旨若能倍加
愧勉督率將弁兵勇等將該處散竄賊匪於額勒
登保德楞泰等奏報厥功之前迅速悉數辦竣先

行馳奏不特賞還原品翎頂並可一律仰邀懋賞
倘川楚俱已蕝事而陝境餘匪尙未殄平不能再
爲寬貸矣至楊遇春向來隨同額勒登保帶兵打
仗屢著奮勇是以加恩擢用提督乃自經畧移師
離陝後兩月以來祇稱設伏以待亦未見有出力
之處該提督率領多兵在被株守豈必俟賊匪竄
至始行出擊乎興奎係該省將軍剿賊是其專責

乃亦隨同延玩興奎楊遇春均著傳旨申飭汝三人竟無造化承受朕恩稟之慎之惠齡興奎楊遇春惟當不遺餘力奮勉成功斷不可再有稽延觀望致干重戾所有此次陣亡把總袁銘兵丁王澤普著咨部賜卹

二十八日乙未額勒登保勒保奏言竊臣額勒登

保前由平樂水田鎮進發臣勒保亦自胡家場

取道羅文壩兜剿於十七日在太平官渡灣會
合接據穆克登布呈報十一日行次小河探報
黃藍線字各號竄匪在隆家灣屯紮燒食包穀
尙未起竄穆克登布當卽派令守備柯連仲干
總李榮樺帶領步隊兵勇由徐家坡上山抄截
穆克登布帶領兵勇由石人壩領東迎擊兵行
相距賊屯數里該處寨民見有兵來卽在寨中

聲喊殺賊致該匪聞風驚竄穆克登布當卽催
隊追殺翻越兩重大山計斃賊十八名生擒二
十三名訊據獲犯供稱昨口因官兵追殺狼緊
分了三股我們共有二百來人向東逃竄要走
大竹河去還有一百多人乘夜往西奔通江龍
鳳垭去了又有一百多人由董溪口向南面趙
家河去了這兩日我們總未見齊元帥不知在

那一股內等供當將該犯全行正法訖

臣等查

該匪現在分股逃竄已屬敗殘急須乘勢剿盡

以絕根株當卽飛飭穆克登布無論所追之賊

有無齊逆在內必須悉數掃除並令達勒精阿

武隆阿趕剿西竄之賊達斯呼爾岱羅聲舉由

海音寺就近探剿南追趙家河之賊總須將齊

逆賊擒一律掃蕩

臣

等亦向黃泥塢一帶策應

而進又據穆克登布呈報連日派令副將銜閻
俊烈帶領守備張明陞李自明挑帶奮勇兵勇
不帶鍋帳晝夜窮追十四日間俊烈等探悉該
匪屯紮唐家碕當連夜帶兵徒步前往三更時
行抵賊屯詎該匪先已起竄閻俊烈鼓勵兵勇
乘勢追趕行抵龍坡垵大霧迷漫閻俊烈在前
領兵緊趕守備張明陞李自明在後督催不料

山凹林內伏有零匪突出喊殺該備等同隨帶
兵勇與賊攪殺斃賊數名守備張明陞李自明
猝中矛傷陣亡兵勇傷亡數名閻俊烈聞信卽
帶兵圍剿該匪穿林越山遁去適值穆克登布
接續而前已帶官兵極力跟剿務窮所向又查
總兵田朝貴一路官兵現在前河一帶探剿相
距不遠卽飛札該鎮就近探蹤督兵夾擊十七

日接據達斯呼爾岱羅聲卑稟報初十日帶兵
行抵青山子探悉該處老林內有零匪伏匿當
卽分派兵勇入林搜捕殲斃賊匪五名生擒五
名餘匪五六人遁跡無蹤查訊卽係初五日官
兵在紅花山剿散之賊當卽正法仍督兵由海
音寺鶯嘴崖一帶探剿十二日行抵王家坪探
悉齊逆分股賊匪屯紮木蘭坪當卽發兵趕捕

生擒賊匪十二名內有偽總兵何天秀一犯訊
係藍號總兵當同獲犯一併正法又據叅將陳
弼稟報連日帶兵由開縣屬之手板崖一帶探
剿初九日探悉鴛鴦寨有賊匪滋擾當卽率兵
由雞鳴寺取道前往搜剿沿途偵探該匪約有
三百餘人已在母家寨下屯紮相距尙有五六
十里當飭兵勇乘夜進發十一日黎明行抵賊

屯分路衝入該匪四散奔竄兵勇分投追殺計
斃賊二十餘名生擒二十六名並斃騎騾賊目
一名訊係先鋒彭萬餘匪現向太平之甘龍礮
一帶老林奔逃陳弼仍緊躡追剿查該匪現奔
之甘龍礮東通大竹河直向北趨可通橫山蒿
壩子卽連陝界當派札克塔爾率同副將王兆
夢海常帶領兵勇前赴苦草壩設伏迎剿如該

匪竄近無論何路官兵跟剿前來即可兩面夾擊殄除臣等查川中賊數惟黃藍線號一股人數稍多現經穆克登布等督率官兵剿潰分竄不能成股其開大山林藏匿至大之股不過二三百人統計賊數雖尙有一千數百人實皆各股剿散積猾之賊零星殘敗避兵分逃希延殘喘有穆克登布田朝貴達勒精阿武隆阿達斯

呼爾岱羅聲舉陳弼羅思舉五路官兵分投趕
剿若遇一股卽可剿盡一股並探德楞泰派令
富僧德蒲尙佐亦帶兵由大寧向西逼剿而來
是兵勇雲集四面兜圍可期迅速辦竣德楞泰
日內將川東邊界肅清亦必率師西發臣等督
率各路大員將備激勵兵勇分投向東趕剿一
經會合殲除卽當仰遵

聖諭奏報藏功至川省應辦事宜及善後各務

臣等

現在逐款籌商俟與德楞泰會合定議後卽分
晰具摺奏

聞恭請

皇上訓示祇遵奏入

上命軍機大臣傳諭額勒登保德楞泰勒保曰前據
額勒登保奏川省餘匪祇有一千數百人現在兩

路大兵分投搜捕一兩旬間實可成功等語朕以
裁定大局伊等實有把握計所奏兩旬之期遞到
大喜捷音正值

南郊大祀朕心甚爲欣慰在廷諸臣無不同深盼望卽
外間傳說亦均以軍務卽日可以全蕝此次

大祀致齋期內氣候晴和本日將事時天宇清朗諸事
咸臻順序禮成還宮適額勒登保勒保奏到分兵

趕剿零匪情形之摺據稱派令穆克登布田朝貴
等分路搜捕均有斬獲等語現在川東川北餘匪
統計不過一千數百人此內惟藍黃線字等號合
夥之賊爲數稍多穆克登布田朝貴達勒精阿武
隆阿等各路官兵分投趕剿又據稱德楞泰日內
將川東邊界肅清亦必率師西發會報肅功伊等
三路兵勇雲集將賊匪迅速辦淨後自當奏報肅

功如此旨到時德楞泰已將川東零匪辦淨馳赴
經畧軍營固屬甚善若川東地方尚有一二零匪
未淨祇當酌派得力鎮將帶兵在彼搜捕伊亦卽
趕赴額勒登保處面晤商辦奏捷不可再遲此時
旣無著名首逆卽有殘剩零匪正應歸入善後事
宜辦理總之大局旣有把握紅裏黃面之摺必須
在封印前後奏到方可謂歲內歲功計此旨到彼

已在臘月初六七間伊等接奉此旨後卽行彼此
互商拜發尙可如期遞至彼時正值蒙古外藩土
司等來京瞻覲朕可宣布中外咸績酬庸斷不可
遲至來春又閱一年之限額勒登保於拜發大喜
捷音後卽當移師回陝現距歲除爲日無多伊等
事竣後已不及趲赴京師統俟大捷喜音到後降
旨諭知伊等更番來京明春二月間朕展禮

祿陵時正可隨同叩謁也

欽定剿平三省邪匪方略正編卷三百五十一

壬戌年

十二月初一日

戊戌

德楞泰奏言竊

臣

於十二日

拜摺後卽督兵自徐家壩西行逐日分派將弁

兵勇在於沿途各山林內遍加搜捕十四日據

臣

前派副都統富翰總兵張績等稟報十一日

有西竄餘匪八九十人向巫山之黃金山老虎

峒狂奔卽帶兵扼據東坪壩派令遊擊金洪關

馬明德等跟追又恐其由三滙鋪折竄另派把
總李貴等帶鄉勇抄出琴樂坪兜截酉刻該逆
竄至龍灘河被李貴等迎頭剿殺立斃賊目一
名賊匪十數名生擒郭佳榮等二十餘名該逆
只剩四五十人分路奔逃訊出殲斃頭目係青
號先鋒周長子前有熊翠隻身走來合夥等語
官兵仍緊躡賊蹤自東北截向西南十六日探

得該逆西折至黃家壩又與另起零匪併合富
翰卽挑出奮勇鄉勇三十名交李貴帶領先
往偵探大隊繼進行次劉家坊林內突出賊匪
數十名抗拒李貴首先衝殺斃賊二名忽中矛
傷陣亡兵丁帶傷者三名迨富翰等趕到賊卽
翻西面山梁向巫山十二峯西南而逃官兵直
追至新開路沿途殺賊七名生擒謝士俸等十

一名訊係青號鄭總兵黃號周先鋒與謝總兵
熊翠合夥共有一百一二十人又於兩次獲犯

內訊出戰手郭佳榮等二十五名當卽正法難

民八名照例省釋

臣

查熊翠前在二竹一帶被

剿情急隻身脫逃茲又併合在內正是白投羅

網當卽飭令趕緊剿除務期首夥淨盡其巫山

馬塘賊匪據富登岡等具報探明只有七八十

人遊擊畢萬年帶兵由陰條嶺迎剿該逆聞風

先已折回巴東之鋸鋸長峯堆子老山適總兵

吉林泰等趕剿有向平陽壩之勢查該逆東竄

已有吉林泰跟剿則臣派去截剿之副都統富

登阿副將馬應國等自應飭令歸隊仍飛飭吉

林泰等速爲剿洗十七日探得巫奉界上二槽

山內有賊三四十名在彼掠食臣抽出兵勇三

百名卽令叅將馬文斌守備謝金章等帶往剿捕旋據稟報十九日追至偏巖子趕殺賊匪十三名生擒馬尙榮等十二名餘匪向馬厰逸去訊係三五零匪合聚並無頭目在內獲犯分別辦理二十日又據富僧德蒲尙佐稟報行抵大寧之雞頭壩探得王道河有賊匪五六十人派令副將馬元副將銜沈洪叅將虎正林遊擊涂

陞守備高星文等帶兵勇八百名前往剿捕該
逆據險掀滾擗石兵勇冒石仰攻斃賊八名生
擒邱亮等十三名餘匪向加當灣老林逃竄馬
元等仍卽跟蹤搜剿十八日據長壽縣余鈺稟
報有賊匪一百餘人由隣水竄至初四日黎明
被叅將桂涵等帶兵趕至曹家壩地方剿殺斃
賊四十餘名生擒七十名尙有餘匪二三十名

向江北奔逃旋即搜剿淨盡訊係黃號龍紹周
餘黨是腹地又除去一起零匪又探得遊擊羅
思舉追趕零匪百餘人由開縣之溫湯井向北
逃遁該逆是何股餘匪未據稟報臣現已嚴催
令其趕緊剿辦二十一日臣行抵寶塔接准經
畧額勒登保移咨知齊國典駁匪及黃藍線字
各號賊股疊被穆克登布等分兵剿殺截回川

境在通江地方擄賊首夥三百餘名狼狽已極
只剩四百餘人分爲三起齊輜典帶二三百人
逃向太平之大竹河有穆克登布帶兵緊跟另
一起百餘人亦向太平境內逃逸達勒精阿武
隆阿帶兵追剿又一起數十名達斯呼爾岱羅
聲舉趕剿額勒登保亦帶兵繼進督剿無難計
日殄除並將陝境各卡酌量移駐逼近川界扼

堵聲勢聯絡期與臣並勒保三面將各逆逼歸

開太大寧一帶聚而殲洗又派總兵慶溥回楚

帶領本省官兵協力搜剿又接勒保來信忠州

零匪數十人經臣將桂涵等搜剿淨盡開縣周

家漕楠木漕兩處零匪各數十人被總兵田朝

貴等趕緊搜捕即可翦除現赴太平與額勒登

保會合商辦善後一切事宜臣查楚省零匪約

計現在不過三四百人有富翰言林泰李天林
德昌四路兵勇儘敷搜捕額勒登保現又令慶
溥回楚不日即可廓清至於川境零匪連齊國
典之黃藍線字號殘孽約計亦不過千人臣原
應遵

旨前往川北一帶協剿但該處賊勢已就窮蹙又有
三路兵力剿辦故額勒登保來信以東面緊要

商令

臣

不必急於西進

臣

揆之現在情形未便

拘泥前

旨查寶塔爲適中之地川東湖北均可顧及

臣

現擬

在此駐劄分兵搜剿與額勒登保等三路會合

大功卽可告蒞再將三省應辦事宜妥籌善後

彼時

臣

卽遵

旨先行入

觀

同日吳熊光奏言竊楚境敗殘零匪人數無多
避兵星竄而房竹歸巴山楚境與川陝犬牙交錯
山深林密尤易藏奸經界戶額勒登保叅贊德楞
泰俱派留將備在於交界一帶巡搜臣亦嚴飭
楚省鎮將兵勇分投力捕遇賊卽剿茲據副將
呢瑪善稟報於巴東大花嶺西寨一帶排搜淨

盡後探有熊翠餘匪一夥在巫山琴樂坪竄擾
逼近巴東該副將會同副都統富翰帶兵山葉
子壩火峯等處探剿令遊擊金洪翮馬明德守
備趙先貴把總李貴等各帶兵勇分由千礮硎
三滙舖等處截捕趙先貴李貴等行抵龍灘河
迎遇賊匪直前擊捕生擒二十三名殲斃數名
餘匪五十餘人分爲兩隊狂遁訊據獲賊供稱

此股係熊翠股內打散餘匪殺斃賊內有僞先鋒周長子一名等語所剩逃匪呢瑪善與富翰及遊擊馬明德金洪嗣等已跟蹤追捕前進又據探報有零匪一夥由四川大寧徐家壩遁入竹谿向家壩老林經副都統格布舍副將張琰帶兵截擊於西溝地方殲賊數名生擒十四名該匪卽踉蹌疾竄復經寨勇扼堵擒獲李勝魁

向朝杰二名該匪遂由竹谿遁至房屬桃樹壩一帶經該處寨勇協同都司麻光裕把總劉從善各帶兵勇分投趕剿該匪匿入山溝寨勇不意賊匪猝至陣亡一名受傷者五名適兵勇一齊趕到截擊斃賊數名受傷脫逃者甚多

臣業

飭總兵李天林副將朱士奉等探明所向四路追捕其餘散逃之賊連日據保康房縣各寨委

員督同寨勇搜獲張士棟等九名訊係從賊殺人抗拒官兵之犯概行正法獲賊及傷亡寨勇人等俱經分別卹賞臣伏查此時賊匪無多蹤跡益形飄忽雖據各路鎮將稟報亦有連日窮搜不見一賊者第賊匪避兵竄匿往來無定臣

仍嚴飭鎮將兵勇往復巡搜不得稍有大意總兵孫清元前於竹谿營次被驟踢傷腳踝不能

帶兵經德楞泰與

臣

先後奏明在案詎該鎮被

踢之處竟致損骨調養月餘至今未能騎乘該

鎮原帶兵勇前飭副將朱士奉等分帶今經畧

額勒登保派令永州鎮慶溥回楚帶兵業已趕

到

臣

卽將孫清元原帶兵勇飭慶溥接管督率

搜剿更可得力

臣

接准經畧額勒登保叅贊德

楞泰知會已各帶勝兵入川會剿川省賊股自

必卽可掃跡楚省邊界有額勒登保德楞泰派
留之副都統格布舍副將張瑗都司龍必達等
所帶兵勇與楚省各鎮協力剿捕聲勢亦極壯
盛格布舍帶兵巡剿出入邊界無定所需糧餉
臣仍飭糧員不分畛域一手經理俾無缺乏以
冀兵勇益加奮勉早就肅清仰紓

宸厪

同日惠齡奏言查總兵李應貴楊芳等所追合夥之賊狂奔各路官兵亦分投追襲李應貴由四畝地一帶抄剿楊芳由龍草坪一帶兜擊叅將祝廷彪由官家砭東嶽殿一路逼剿千總秦繼昌由黃官砭麻房子等處跟追遊擊林向榮由五大谷八大谷一帶排搜該匪等亡命奔逃官兵亦穿林越箐逐節搜擒沿途均有斬獲楊

芳一路擒獲矛手張文彪等六名李應貴一路
在火燒營搜出零匪二十餘人立時殲斃七人
生擒王方陳正朝二名餘匪分竄花兒坪秦嶺
一帶又經守備張必祿李璋等帶兵趕上殲斃
賊匪三人適李應貴亦經趕到兩路夾擊又斃
賊五人生擒張廷裕一名僅剩數賊滾崖逃逸
林向榮一路在乾溝夜襲賊屯生擒賊目楊鑑

並矛手十五名餘賊五人乘夜逃散又通判雒
昂在盤屋縣屬之紅椿木溝探有零匪十餘人
藏匿草房內於三更時前往掩殺殲斃賊匪八
人生擒四名次日復搜捕至柏木溝殺斃四人
生擒一名又於乾溪關老林搜殺賊匪四名生
擒二名現將獲賊解縣審訊至苟靳二逆合夥
之賊二百餘人因有阻遇春官兵在沔畧一帶

兜截該匪等不敢南奔復折回戴家林內藏匿
遊擊李朝顯等帶兵趕往搜剿賊匪奔上山頂
恃險抗拒李朝顯胸受石傷一處尙不甚重兵
勇亦間有傷亡我兵奮力搶上刀矛並舉立斃
賊匪十一人餘賊繞林向東狂奔兵勇緊跟追
殺又斃賊三人生擒偽總兵王庸並旗手宋大
富等八名當訊明分別交遲臬示又據委員通

判袁珖在黑河三溝林內殲斃賊匪二人生擒
一名該逆等見西南兩路處處有兵遂卽折奔
大壩溝一帶適遊擊朱集才都司蘭福並署留
壩同知劉經等帶領兵勇趕到齊力撲殺殲斃
賊匪二十餘人又銜尾緊追至三花石地方殺
賊三十餘人適副將吳廷剛帶兵亦到兩路齊
衝該匪等遂翻山向鹽場溝潛遁楊遇春已派

令吳廷剛李朝顯等跟剿此股賊匪楊遇春同副都統噶拉侍衛哈豐阿等遵奉

諭旨就近赴寧羌邊界與將軍興奎協力防堵查現在東路零匪被官兵逼剿緊急俱紛紛向西奔逃而西路靳苟二逆又有折入南山之勢是西面較爲緊要臣刻卽馳赴西路偵探賊蹤就近督辦至現在又報有零匪一股六七十人假冒

官兵由西鄉七里壩躍淺南竄李應貴等已派
兵跟追此時漢南防兵均在川陝邊界額勒登
保亦在西鄉太平交界扼剿興奎楊遇春均在
寧河一帶臣已飛札知會各路官兵乘勢掃除
斷不至直趨川省均奏入

上命軍機大臣傳諭額勒登保德楞泰曰此次青號
黃號等殘匪在巫山大寧長壽等處分竄經各將

領分投剿捕多有斬獲共計殲擒二百餘人川東
餘匪自不難剋期辦淨卽川北之黃藍線號亦只
剩四百餘人分三起逃竄是統計川省零匪不過
千人德楞泰以川北賊匪勢極窮蹙有額勒登保
在彼兵力足敷剿辦川東尙有餘匪未淨亦爲緊
要德楞泰於寶塔適中之地暫駐兼顧川東湖北
不急於西進所見甚是楚省零匪本日據吳熊光

奏經官兵寨勇擒斬所剩無幾陝省南山餘匪現據惠齡奏報殲斃百餘人所剩亦不過二百餘人合之川省千餘零匪爲數已屬有限且並無緊要著名首逆本可歸入善後事宜辦理額勒登保等卽當趕緊籌辦先行聯銜馳遞黃面喜摺奏報戡定以安中外臣民盼望之心至德楞泰奏稱籌定善後事宜先行入覲等語此則可緩德楞泰係成

都將軍所有川省未淨零匪總須責成伊與勒保
一律辦竣其陝省餘匪本日據惠齡奏有一股六
七十人由西鄉七星壩躍淺南竄已飭李應貴等
跟蹤躡剿並札致額勒登保等乘勢剿辦等語漢
江南岸地勢平衍賊匪旣已竄近正可就地殲除
額勒登保當先派扎克塔爾赴彼迎頭截擊迅速
剿捕其南山餘匪所剩無幾現已諭令惠齡等趁

大功告成之前全數肅清倘額勒登保於拜發喜
摺後南山內尙有潛匿餘匪此額勒登保未了之
事伊當卽帶兵赴陝由南山峪口進兵一路排搜
以期掃除淨盡勿留遺孽統俟川陝楚殘匪全行
蕩平彼時朕當降旨令德楞泰先行來京展覲後
仍回本任更替額勒登保回京供職所有此次陣
亡把總李貴著咨部賜卹

上又命軍機大臣傳諭吳熊光曰此次呢瑪善會同
富翰等督率將弁在龍灘河地方截擊熊翠股內
打散零匪擒斬二十餘名殲斃僞先鋒周長子一
名與本日德楞泰所奏相符其餘零星逃散之賊
經各處寨勇搜獲多人並據各路鎮將稟報亦有
連日窮搜不見一賊者是此時楚省零匪實已無
多但恐有未淨餘孽避兵逃竄或潛匿深山老林

該督仍當督飭將領嚴行搜捕務期淨盡不得稍涉大意

上又命軍機大臣傳諭惠齡曰陝省南山一路零匪經總兵李應貴楊芳通判雒昂等各路兵勇節次擒斬共一百餘人所剩殘匪甚屬無幾無難剋日剿盡惟西路靳苟二逆又有折入南山之勢惠齡現已馳赴西路就近督辦應卽嚴飭鎮將等將逆

匪上緊逼剿悉數殲除勿令其復行竄入秦嶺老
林辦理又致費手至所稱西鄉七星壩地方有零
匪一股六七十人假冒官兵躡淺南竄李應貴等
已派兵跟追前進等語此時漢江南岸所設防兵
均在川陝邊界分守卡隘與奎楊遇春等均在寧
汧一帶駐紮嚴防經畧額勒登保又在西鄉太平
交界扼剿該匪等偷越南岸欲向川境奔竄可謂

自投羅網不必截回正可於大兵雲集之處乘勢
截剿且該處地勢寬廣較之山內排搜其力亦易
於施展現已降旨令額勒登保迅派扎克塔爾帶
兵前來迎頭截擊該督務宜飛催興奎楊遇春及
防邊鎮將等併力追躡賊蹤冀收兩面夾擊之效

初六日癸卯額勒登保勒保奏言竊臣等昨將會

合設法兜剿各路零匪務期卽日肅清緣由奏

聞在案臣當經嚴飭各路分投趕剿去後臣等亦卽

由趙家壩白沙河一帶南向居中督策前進據
穆克登布呈報連日探悉零匪由茨竹埡櫻桃
溪等處奔竄穆克登布帶兵由田壩取道抄截
十八日行抵廟壩紮營後探報附近三十餘里
之江西壩山林內有零匪伏匿當卽詢明該處
地勢南面俱係懸崖無路可通將東北西三面

分佈兵勇卽無出路三更後派都司李廷珍守
備柯連仲等帶兵由東面老林而進遊擊王兆
龍守備何榮帶兵由北面老林而進均係徒步
從上壓下穆克登布率同副將銜閻俊烈遊擊
劉元明帶兵由小中河自西向東正面仰攻兵
勇於五更時齊抵賊屯見板房數間已有火亮
該匪尙在房內炊爨當卽分投圍殺刀砍矛戮

全數擒獲其北面板房內有賊匪五十餘人驚
覺集衆執旗抗拒王兆龍柯連仲兩路兵勇併
力壓下該匪力不能支卽從正路向西奔逃與
穆克登布閣俊烈一路官兵迎頭相值我兵一
擁而前悉皆殲獲共生擒五十二名查訊內有
賊目龍紹泰旗手曾國珍劉世益王傳李先福
等五名均一併正法穆克登布仍由甘龍汗之

排山一帶跟追前股以冀掃除又據田朝貴稟
報連日由長壩草鞋溪一路探剿十九日兵抵
楊柳壩探悉有零匪百餘人由七綳子鞍子山
老林窠紮小坪溪相距九十餘里隨於二更後
分派遊擊薛陞王忠桂帶領官兵前往圍剿天
明行抵小坪溪賊已起竄薛陞王忠桂帶兵分
路追趕六十里至梨子坪山梁趕及賊匪兵勇

一齊搶上當斃賊匪二百餘名賊見我兵雲集
不敢抗拒卽四散分竄薛陞王忠桂催兵分路
追拿又斃賊十餘名生擒四十餘名僅餘賊匪
四五十人向後槽老林分竄當將獲賊分別正
法其被擄難民照例釋放臣等已飛飭田朝貴
卽將所剩零匪分兵搜緝就近帶兵與穆克登
布歸併一路或分或合趕剿東西奔竄明通并

奏夥之賊又據達勒精阿武隆阿稟報連日向
西跟剿齊逆分股之賊十七日行抵烟溪探悉
該匪在印山坪屯紮相距三十餘里卽於二更
時派令副將張良槐叅將褚大榮等帶領兵勇
前往掩襲行未十餘里見有賊匪數十人迎面
而來兵勇一齊喊殺斃匪斃七名生擒六名餘匪
遁入老林訊據獲犯供稱我們黃藍號之人被

官兵打散分了一股百餘人在白斗坪林內藏匿這幾日有齊國典帶領百餘人合夥共有二百三百人要向西面無兵處逃避今日叫我們幾十人出來擄糧不想遇見官兵被拿等供當將獲犯正法達勒精阿武隆阿現由嚴家壩烏林埡大河口願北抄西竭力趕剿並據達斯呼爾岱羅聲稟報十七日在通江苟登坡一帶趕

及零匪數十名殲斃四名生擒二十七名現在

搜緝等情

臣

等飛札達斯呼爾岱羅聲舉卽就

近探剿西竄通南之賊與達勒精阿武隆阿併

力殄掃通南一帶本有劉清帶領鄉勇搜剿現

已飭知劉清分投探蹤搜擊又據叅將桂涵稟

報在江北長壽墊江一帶探剿零匪十七日行

抵大垵探悉曾家溝有賊匪滋擾當卽督兵趕

剿該匪向張家場竄去桂涵督率兵勇取道追
截署隣水縣知縣鍾人傑派帶團勇在隘口堵
截桂涵趕抵張家場該匪正在擄食兵勇一齊
衝殺當斃賊匪二十餘名賊匪驚向風門鋪山
梁逃竄兵勇追殺六十餘里生擒男婦一百八
十二名訊係宋逆餘匪在山林內陸續裹脅之
股尙有三四十人逃去等語桂涵因督兵趕剿

不及訊供已將獲犯全數解交隣水縣錄供稟
報辦理

臣

查隣水墊江一帶雖有零匪並不成

股今桂涵生擒之賊至一百八十餘名恐係附
近新裹之人一面飛飭隣水縣詳細錄供以憑
核辦一面飛札桂涵務將此次所餘竄匪數十
名卽趕緊全數捕淨肅清腹地又據遊擊羅思
舉稟報十三日兵次蘆花嶺接開縣知縣馬鳴

驚知會南垵場有零匪滋擾當卽由溫湯井取
道探剿十四日趕抵新寨子正遇零匪三四十
人在彼搶掠羅思舉卽督兵趕剿該匪奔上大
梁園脫適該縣所派團勇亦自桐油坪趕來兩
面夾擊斃賊八名生擒二十六名餘匪十餘名
分竄老林無蹤查訊均係剿潰零匪並無要犯
當卽正法又據遊擊陳弼稟報現探亢紙漕一

帶有零匪一二百名藏匿帶領兵勇尋蹤跟剿

臣等聞信並將本營之兵勇八九百名派令扎

克塔爾王兆慶海常帶領由苦草壩向雙河口

一路探截以防該逆折向北竄卽可與陳弼夾

擊掃除臣等現在八臺山暫紮督率以爲各路

策應伏查刻下零匪或合或分奔竄無定其在

開太以東者合計不過五六百人現有穆克登

布田朝貴兩路大兵趕剿其西竄通南之齊逆
餘匪亦不過三百餘人現在達勒精阿武隆阿
達斯呼爾岱羅聲舉兩路官兵亦足敷剿此外
卽有百名數十名爲羣之賊有羅思舉桂涵陳
弼分投趕剿不難次第掃除現聞德楞泰已帶
兵自大寧一路分兵向西而來該處零匪必已
分投隨處搜剿

臣

等並分差妥弁向各處邊界

山林確探是否尙有藏匿未出零匪一俟與德
楞泰會晤則川陝楚有無藏匿賊氛更可洞悉
維時又已數日各路亦必得有斬獲所餘零匪
更當不成股數臣等卽與德楞泰會籌全局情
形詳悉具摺由六百里奏請

聖鑒仰慰

宸懷奏入

上命軍機大臣傳諭額勒登保德楞額泰勒保曰此次
穆克登布田朝貴等各收聚官兵在開太通南一帶
剿殺零匪已有二百餘名其隣水墊江以及開縣
之南埡場等處零匪又經桂涵羅思舉等帶兵趕
剿殲獲亦有二百餘名各路官兵均爲得手惟前
據伊等奏到川省零匪統計不過千餘人此次又
殲獲四百餘人賊數卽應大爲減少何以伊等摺

內尙稱合計有一千餘人自必連川東餘匪一併
在內如果上次所奏賊數未盡確實亦不加以責
備但當趕緊辦理期於淨盡勿令遺灰復燃此爲
最要

初十日丁未德楞泰奏言臣竊移師行抵奉節之

寶塔扼據東面分兵四出搜捕大寧山內藏匿
餘匪兼顧楚省因思大寧山內密林深箐最易

戴奸

臣

復又酌派副都統色爾滾富登阿總兵

馬瑜副將達自祥等各帶兵勇分爲四路由鹽

場一帶自東向西排搜去後二十四日探得大

寧雲陽交界之沙沱子先後有零匪四五起約

共三四百人由大寧老山內竄出向雲陽之江

口安樂坪南竄有趨開縣之勢

臣

卽於二十五

日督兵前進趕剿途次接據通判署隣水縣事

鍾人傑稟報十二日叅將桂涵追賊匪一起至
大竹連界之張家場殺賊二十餘人生擒一百
八十餘名只剩三四十人翻山逃走桂涵仍躡
蹤緊追獲犯解縣審訊等情二十六日據防堵
巫山楊溪河之總兵張積稟報探得巫山之大
灣地方有零匪數十人派叅將傅廷佐遊擊畢
萬年帶領兵勇前往剿捕生擒賊匪三名割獲

耳記三副獲犯解縣審訊傳延佐等仍躡蹤緊
追旋又有由巴巫界上竄來一股零匪數十人
向西奔逃派遊擊馬明德等帶兵由水口截剿
叅將馬文斌守備謝金章等帶兵勇三百名亦
由馬壩口前往協剿諒亦即可掃除二十七日
又據副都統富僧德總兵蒲尙佐稟報沿途分
兵排搜二十三日至木碗坪並無零匪遂由茱

子坡前進次早探報李家溪有零匪一起數十人令副將馬元泰將沈洪遊擊曾壽等帶兵進剿斃賊二十餘名滾崖跌死者十餘名生擒十九名只剩七八十人均無器械向五穀山梁鑽林四散而遁適有提督豐紳派出搜山之都司王國輔等帶兵到來現今躡蹤緊追獲犯內除附近難民經寨首保釋外其餘十三名押解赴

營審訊均係陳賊一概正法又據豐紳派出由
二郎壩西北搜山之遊擊卽海慶等稟報自湯
家壩桐油壩百里荒至太平之後坪與副都統
富僧德等會合沿途老林均無零匪已遵照向
川陝邊界之黃墩大小渝河搜捕回省各等情

臣均已隨時分別嚴飭趕緊剿辦二十七日

臣

兵次沙沱子又據署雲陽縣候補知州梁敦懷

稟報王國賢等餘匪共二百多人又黃藍白號
合夥餘匪一百七八十人先後由沙陀子竄出
老山在芝蔴梁合夥向陳家山高陽虎圈門西
南而逃投出僞先鋒楊元戰手蔣萬秀二名訊
係黃號王國賢白號姓趙姓姜帶領黃藍兩號
的人竄走開萬交界之牛鼻子一路等情當派
兵勇一百名尾躡臣卽取道開縣之謝家壩溫

湯井由右手抄截遏其入山之路又據按察司
劉清稟報派撥鄉勇堵截齊逆竄匪探得該匪
二百餘人在通江蒲家灣造飯督率鄉勇過河
趕剿追至草廟子適有達勒精阿羅聲率大兵
追至兵勇兩面夾擊斬殺殆盡首逆齊國典會
否殲斃尙未查明先爲稟報等情二十八日
兵抵溫湯井接准額勒登保來信督飭各路提

鎮將備又辦完零匪數起現在太平之八臺山
一帶策應其有竄入太平山內賊匪先後已派
穆克登布扎克塔爾田朝貴各路兵勇前往分
投搜捕不日即可剿除其通江南江一帶有達
勒精阿武隆阿達斯呼爾岱等又有劉清卿勇
併力殲除現在零匪有限約往會商大局並籌
酌善後事宜等因

臣

既與額勒登保勒保兩軍

相距不過二百餘里而川省各處零匪疊被官兵剿殺又減去數百正當商辦大局並一切善後事宜所有王國賢等餘匪

臣

現派色爾滾馬

瑜等帶領馬步兵勇千餘名尾追並令桂涵羅思舉分投夾攻易於翦滅其大寧山內雖經分兵排搜已無虞股之賊第山高林密難保無三五零匪藏匿仍知會豐紳令其隨處搜查以期

藏功完善

同日惠齡奏言竊

化馳抵斜峪關據報李應貴

楊芳叅將祝廷彪張超等所追分股之賊已逼

歸一處向嶺南大盤一帶狂奔李應貴由龍

草坪顧北抄截楊芳祝廷彪由藥扒顧東逼剿

隨處兜逼雖有擒斬不過三五名十餘名不等

未能痛剿通判雒昂亦僅獲矛手汪雲從等數

名該匪等由紅石河一帶向南逃逸李應貴楊芳等現俱跟蹤追躡其靳苟二逆合夥之賊自折回棧東後經副將吳廷剛遊擊李朝顯等抄赴東面兜截通判袁珖督率寨勇由北面攔剿亦各有斬獲該匪等因官兵漸次兜逼聚有二百餘人向南奔竄臣已飛飭李應貴楊芳等乘勢向南追擊如能就地剿滅固屬萬安縱或賊

匪被剿情急躡淺過江卽令李應貴跟追前往
與邊界防兵兩相夾擊以期一鼓集事均奏入
上命軍機大臣傳諭額勒登保德楞泰勒保曰此次
德楞泰分派鎮將等沿途搜捕於隣水大竹交界
殲擒二百數十人又於通江地方將齊國典一股
餘匪二百餘人斬殺殆盡共擒斬賊匪四百餘人
所辦尙好現在大寧山內已無成股之賊德楞泰

此次所奏搜捕情形卽係善後事宜川東川北零
匪原祇一千餘人今復斬獲四百餘名計所剩者
不過數百人現經額勒登保等分派穆克登布達
勒精阿等搜捕川北一帶零匪其川東剿剩餘匪
亦經德楞額派令色爾滾馬瑜等分投追擊自無
難剋日剿除德楞額已馳赴額勒登保勒保軍營
商辦截定大局此時大喜捷音自己馳奏在途朕

心更深殷盼至陝境南山餘匪尙有二百餘人均
不過零星散竄迥非從前張漢潮苟文明之兇悍
可比惠齡剿辦多時迄未淨盡本日奏到摺內祇
係擒斬三五名及十餘名看來竟不足恃前已諭
令額勒登保先派扎克塔爾帶兵赴彼協剿此時
自己起程前往額勒登保於拜發紅裏黃摺後著
卽赴陝督剿以期剋日肅清如陝省實無餘孽一

切善後俱已辦定額勒登保再行具奏候旨起程
伊到京後卽可在內供職也

上又命軍機大臣傳諭惠齡曰惠齡上次奏到搜捕
情形摺後迄今又閱多日山內零星匪總未見奏報
肅清本日遞到摺內據稱楊芳李應貴及通判維
昂等追剿散匪隨處兜逼所擒斬者俱不過三五
名十餘名不等其所殺賊數較前益少又稱賊匪

經官兵漸次兜逼已聚有二百餘人向南奔竄等語惠齡旣以賊匪逼歸一處卽應設法兜剿淨盡而摺內又祇稱遣令鎮將等乘勢跟追並無籌畫佈置看來惠齡經屢次訓飭之後總不能痛加奮勉其意竟欲將搜捕零匪一事俟額勒登保回陝辦理一味遷延觀望無能無恥已極惠齡著傳旨中飭

十三日庚戌額勒登保總楞泰勒保奏言竊臣等

據扎克塔爾呈報二十六日帶兵由雙河口一路而進探悉遊擊陳弼所追亢紙潛零匪已由黑松林火地坪王家壩逃遁該遊擊已追躡向前另探附近三十餘里之大凹塘老林有零匪伏匿扎克塔爾隨派令副將王兆慶海常等分帶兵勇於三更後前往圍剿五更時行抵該處

見老林內燃有火光知賊匪尙未起竄扎克塔爾催令兵勇一齊衝入喊殺該匪猝不及防當斃賊十二名生擒十六名另有賊匪數名由老林向北逃竄經副將海常帶兵迎殺戮斃四名餘賊七名悉經生獲扎克塔爾將獲犯耳記解送來營

臣

等訊據獲犯何正相供稱我們是齊

國興營裏的人前被官兵打散我們三十九個

人另路逃去要尋別股合夥昨在老林歇息不
想官兵夜裏殺來等語均係從賊日久之犯當
飭一併正法又據遊擊陳弼稟稱連日由打箭
埡柯家坪緊躡追趕二十七日酉刻在乾龍礮
追及賊尾殺賊數名生擒八名查探該匪只百
餘人已向三排山涵溪河一帶奔走有向城口
修溪壩東逃之勢該遊擊現仍跟剿

臣
德楞泰

前派分路搜剿之富僧德蒲尙佐等帶領官兵
由大寧向西探剿二十六日行抵後坪探有零
匪在黃溪紙廠滋擾隨派副將馬元叅將沈洪
防禦永海五十五並守備張萬林等分帶兵勇
前往圍剿二十七日兵抵該處賊匪二十餘人
正起竄間當經殲斃十名生擒十一名餘匪三
名奔入老林亦經搜獲訊係官兵剿散藍白號

內夥匪共二十四人並無頭目等供當將獲犯
辦理該鎮等現取道修溪壩與遊擊陳弼等會
合一路更可計日掃除並據採報由通江西竄
之齊逆股匪三百餘人於十九日竄走羅坪小
江河一帶因知臬司劉清帶勇在烏林埡堵截
該匪卽折向桶板溪民房屯紮劉清派令軍功
苟文耀帶勇乘夜前往剿殺斃賊數名該匪驚

竄當喊叫投出難民二十一名賊匪奔上山梁
向龍鳳場兩河口西竄劉清派令軍功臧青雲
督勇抄赴南江之東渠迎截次日該匪由兩河
口向黃草坪一帶奔竄達斯呼爾岱羅聲皋兵
抵陳家河相距匪蹤五六十里達勒精阿武隆
阿帶兵亦由安子坪前來相距亦數十里隨卽
彼此知會達勒精阿武隆阿帶兵由兩河跟尾

追躡達斯呼爾岱羅聲舉帶兵由黃草坪迎擊
均於三更發兵前進二十二日辰刻賊匪奔至
沙溪場正在造飯適劉清所派之軍功臧青雲
率勇由左手趕到一齊衝殺當斃賊匪四十餘
名生擒八十四名該匪驚慌分股奔竄其由前
路奔走者正與達斯呼爾岱羅聲舉一路官兵
相遇該匪情急捨命衝突我兵一擁迎殺當將

執旗賊目戮斃餘匪翻山向大柏林逃遁達斯
呼爾岱等督兵追殺六十餘里又斃賊匪二十
六名生擒五十六名其由後路折竄之賊經達
勒精阿武隆阿官兵截殺斃賊十餘名生擒二
十六名千總宋廷杰及兵勇數名受傷陣亡達
斯呼爾岱訊據獲犯劉連伯供稱是黃號營內
先鋒元帥是黃如巡與葛成勝共有一百多人

前與藍號齊元帥合營共有三百多人因連日官兵追殺甚緊齊元帥帶了百十人分路奔林內去了我們想往南江廣元去不想幾路官兵殺來被拿等供當飭於割獻首級內認出黃如巡首級一顆隨將該犯與生擒各犯並耳記解送來營分別辦理並據劉清稟報爲元帥葛成勝亦經生擒因該犯帶傷現飭與生擒各犯解

赴巴縣審辦等情查西竄之賊本祇三百餘人
今經此次三路兵勇痛剿所餘不過百餘人無
難卽日辦竣_臣等已酌發賞資鼓勵兵勇令達
斯呼爾岱達勒精阿武隆阿等與劉清兵勇悉
力乘勝分投趕剿務將齊逆殲擒並通南界內
一律搜緝淨盡又據叅將桂涌一路派赴梁墊
一帶搜剿之都司周士貴稟報二十三日行抵

觀音巖探悉相距五十餘里之石板坡有零匪
五六十名當卽率同千總李思貴外委向思吉
等乘夜前往圍剿我兵行至劉家河老林正遇
賊匪奔竄而來當卽督兵衝殺斃賊八名該匪
入林四散我兵分投搜捕計獲賊三十九名已
將獲犯解交梁山縣訊辦又據遊擊羅思舉稟
報二十四日在開縣之袁家坪遇有零匪數十

人當經兵勇生擒二十五名餘匪扒山分竄經
該處寨勇鎗斃三名餘匪數名四散無蹤生獲
各犯並無頭目已分別辦理訖並據穆克登布
呈報連日由蓼子口大茶園一帶追剿探悉該
匪有奔明通井大塘口之勢穆克登布由魚岔
溪取道前進二十二日據報該匪在柏森坪又
湊合由馬家營東來之賊共有五六百人遂派

副將銜閻俊烈遊擊王兆龍都司吳振亮挑帶
兵勇八百名由野竹灣前往趕剿穆克登布親
帶馬隊兵勇四百名向明通井迎擊我兵進抵
野竹灣該匪早已起竄正在查探賊蹤見有賊
匪數十人由馬鞍山竄來相距不遠吳振亮所
帶前隊兵勇二百名一見賊匪齊撲上前追殺
賊匪見有兵來仍由原路飛奔我兵跟蹤追殺

斃賊十餘名該處路極險窄甫過馬鞍山不期
另有賊匪百餘人在上坡林內突出山上壓下
並滾擗石都司吳振亮守備徐明元石傷陣亡
兵勇受傷者十餘名正在相持攪殺間閻俊烈
王兆龍帶兵一齊趕到鎗箭並施力爲攻撲斃
賊數名該匪始行潰敗穆克登布亦督催馬步
兵勇由明通井迎來斃賊十餘名賊匪始紛紛

敗竄穆克登布督兵追趕沿途又斃賊匪三十
餘名該匪已飛奔由黃柏廠秤桿溪向東北遁
去次日穆克登布仍督兵由雞鳴寺石台觀追
趕適田朝貴帶兵亦由青石溪前來與穆克登
布會合遂由高坪木瓜口合力趕剿詎該匪狂
奔愈速由南溪場翻界嶺老林北趨冀圖竄陝
田朝貴由界嶺跟追穆克登布親帶兵勇由高

頭壩取道抄赴陝疆緊顧西北兜剿經蹇冲阿
帶領陝界防兵迎剿該處營卡嚴密不敢突入
仍赴林箐折回川界羊耳壩連夜遁竄大竹河
穆克登布田朝貴現帶官兵緊跟趕剿扎克塔
爾亦從堡子坪旁抄而進臣等恐該匪知有大
兵追急又奔西北卽派本營馬步兵勇共七百
名令傅陞富登阿達自祥張廷楷帶領由官渡

灣滾龍坡截剿冀與穆克登布等夾擊掃除又
據馬瑜稟報連日由團壩子黃家灣探剿二十
八日行抵曹家田探報有零匪數十人在銅盆
溪民房屯紮當派叅將馬文斌帶領兵勇三百
名連夜趕往捕剿兵抵該處見有草房二處該
匪均在房內烤火我兵一齊圍殺其右手房內
之賊持矛拚命抵拒兵勇隨將草房放火房內

之賊均經燒斃其左手房內之賊三十餘人冒死衝出經兵勇殺死十二名生擒二十一名餘匪數人乘夜翻山逃去訊據獲犯魏廷揚等供稱我們五十多人是熊翠帶領由楚界老林逃到四川不想官兵殺來被拏熊元帥在右手房內住的定是燒死等供當飭該犯於燒斃賊屍內指認查各屍身共有二十一具身體臉面均

皆焦爛無從辨認其王國賢餘匪因探知南面

有兵截剿復行東折欲奔雲陽奉節臣德楞泰

現派色爾滾馬瑜管率官兵趕緊顧東剿辦臣

額勒登保勒保連日由貓兒嶺一帶進發初三

日師次響水碕臣德楞泰亦由渡口巖井溪壩

起來會晤當將川陝情形通盤詳細籌畫刻下

西竄通南之賊除剿殺逃散外所剩不過一二

百人有達勒精阿武隆阿達斯呼爾岱等兩路

官兵與劉清鄉勇分投趕剿斷不虞其遠颺致

稽時日惟穆兄登布田朝貴所剿之賊五六百

人卽係臣德楞泰前此所奏由東竄來零股會

合一經數路兜擊卽可合力剿除至王國賢餘

匪及奏合匪衆亦不過三四百人色爾蘇馬瑜

現帶官兵一千餘名儘足敷剿卽使東竄川東

邊界有豐 紳張績各官兵可以迎剿此外梁萬
墊江卽有數十零匪共計不過二百人均皆不
能成股現有桂涵羅思舉帶兵一千有餘儘可
搜緝此川省現今賊股實數均有官兵跟蹤剿
除此外別無成股賊匪又接吳熊光來信楚省
房竹只有零匪二三十名或七八十名共有兩
三股現督鎮將分路嚴搜無難肅清臣等連日

已將善後應辦事宜和衷籌畫定有成議彼此
意見均屬相同現擬於發摺後臣等帶領官兵
仍分路督率嚴爲搜剿總期尅日迅速集事務
於旬日內會報捷音以仰副

皇上慎重完善歲功之至意奏入

上命軍機大臣傳諭額勒登保德楞泰勒保曰此次
各路將領分投剿捕零匪均有斬獲其熊翠一犯

業據獲賊供稱已被燒死卽齊國典合夥股匪

系

劉清及達斯呼爾岱達勒精阿等三路兵勇痛加

剿殺殲獲多人齊國典祇剩百餘人向通南西竄

有劉清等在彼趕剿自不虞其遽颺劉清等辦理

此股賊匪出力可嘉劉清達斯呼爾岱羅聲皋達

勒精阿武隆阿及軍功臧青雲已用硃筆圈出本

欲各加獎賞因此股尙未辦竣是以未經降旨刻

下大功指日告竣著額勒登保存記俟齊國典一
股辦竣再行保奏至軍營節年分外出力人員不
妨俟馳報黃摺後詳悉查明開單保奏候朕加恩
至穆克登布田朝貴所剿賊匪共有五六百人爲
數較多但亦不過零星湊合之賊並無首逆姓名
諒無難剋日掃除額勒登保等祇須嚴飭穆克登
布等上緊剿捕不必俟此一路辦竣方遞大喜捷

音至馳遞喜摺後各路官兵且不必盡行裁撤凡
應須防範之處酌量安設兵卡隨時搜緝零星匪統
俟一律肅清方可以次撤兵所有搜剿餘匪事宜
川省責成德楞泰勒保辦理陝省責成額勒登保
辦理伊等總須將各處零星匪悉數蕩平再行候旨
令伊等先後入覲不必急思來京也所有此次陣
亡都司吳振亮守備徐明元千總宋廷杰均著咨

部賜卹

十四日

辛亥

吳熊光奏言

臣

於十一月二十八日

欽奉

上諭據德楞泰奏拏獲賊犯訊供崔宗和要到武當

山出家

命

臣

卽速遣妥安員前往密查等因

臣

欽遵派員前

往併密傳卽宜所屬以委各員一體窮搜以期

必獲去後茲據候補同知保康縣知縣楊開鏡
團勇寨勇委員縣丞詹英豪稟報該員等改裝
易服於各要隘口遍歷會巡本月初五日二更
時候查至官冒山溝口望見山半微有亮光疑
係賊匪潛匿遂於山口兩旁暫息以觀動靜逾
時有一人循溝而出經寨勇蘇太和薛文相王
珍喻若印四名卽時擒住細加研訊實係首逆

崔宗和並供認歷年抗拒官兵戕害將備等情
不諱臣現在飛提該逆前來房縣並調取眼目

親加訊驗並究明胡明元實在下落期於一併
就擒所有詳細供情容俟提到訊明再行具

奏至其餘邊境零匪據各鎮將稟報往來巡搜未
見賊蹤惟據遊擊李東宣等稟稱於興房接壤
老林內陸續搜獲賊匪十二名皆係從前剿散

夥匪已解交德楞泰營盤審辦又副將呢瑪善
在巴東搜捕聞川省巫屬新開路有零匪遁匿
帶兵往捕獲賊張東生等十一名房縣境內前
由桃樹壩擊敗零匪經寨勇擊斃二名擒獲江
宗華等四名訊俱從賊日久槩行正法查此時
在逃首逆崔宗和業已就擒胡明元一犯仍飭
屬嚴密訪拏此外零星餘匪幾至無可蹤跡

臣

誠恐深山幽僻處所未盡根株復飭各路鎮將
梭織搜巡以冀成功完善不致稍有草率奏入
上命軍機大臣傳諭吳熊光曰吳熊光奏擒獲首逆
崔宗和現在提訊一摺所辦甚好崔宗和一犯與
戴四胡明元同惡相濟在湖北地方往來滋擾日
久稽誅前聞該逆有逃往武當山出家之說特諭
吳熊光嚴密查拏茲經吳熊光督飭地方官寨勇

等在於官冒山澁口拏獲所有留心盤獲之候補同知保康縣知縣楊開鏡縣丞詹英豪尙屬能事著加恩均以應陞之缺卽行陞用寨勇蘇太和薛文相王珍喻若印四名於該犯亡命飛奔時趕上擒住亦屬奮勉著吳熊光查明該四人如無頂戴卽賞給八品頂戴如本有頂戴卽著賞戴藍翎並著各賞銀一百兩以示鼓勵至胡明元一犯亦係

緊要首逆現尙未獲著吳熊光卽向崔宗和查明該犯實在下落一併設法擒拏不可任令鬼脫其崔宗和一犯於審明後卽在該處凌遲處死至楚省邊境零匪據吳熊光奏稱各鎮將等分段搜巡所捕獲者不過十餘名至數名不等甚屬有限幾至無可蹤跡等語看來楚省零匪將次淨盡然深山幽僻之處尙恐不無逃匿之賊現在大功將次

告藏據額勒登保奏稱川省零匪不多已降旨額
勒登保等令其會同吳熊光等先用紅裏黃面之
摺奏報截定大局於封篆前奏到其搜捕零匪俱
歸入善後事宜辦理計大喜捷音數日內即可遞
到吳熊光仍當督飭鎮將於搜捕一事認真辦理
務絕根株以期地方永臻寧謐